

Regionalna konferencija o katastru

17.06.2015 08:12



Osma Regionalna konferencija o katastru i infrastrukturi prostornih podataka održana je 16. i 17. juna 2015. godine u Prištini. Domaćin konferencije bila je Katastarska agencija Kosova. Tema ovogodišnje redovite konferencije bila je „Multipurpose Cadastre in the procedures of Land Administration“.

Konferenciji su prisustvovali predstavnici svih devet katastarskih agencije iz regiona.

U uvodnom dijelu konferencije prisutne je pozdravio ministar okoliša i prostornog uređenja Kosova Ferid Agani i direktor Katastarske agencije Kosova Murat Meha.

Prvog dana predstavljene su trenutne aktivnosti regionalnih katastarskih agencija, s posebnim akcentom višenamjenskog katastra i infrastrukture prostornih podataka. Evidentan je napredak u prikupljanju, obradi i razmjeni katastarskih podataka i primjeni INSPIRE direktive u sektoru zemljišne administracije.

Federalnu upravu za geodetske i imovinsko-pravne poslove na ovoj konferenciji predstavljali su direktor Željko Obradović, Tomislav Tomić i Slobodanka Ključanin. Tomislav Tomić je održao prezentaciju i predstavio katastarski informacijski sistem i projekciju budućih aktivnosti u ovom sektoru.

Predstavnici međunarodnih organizacija (Eurogeographics, FIG, UN-GGIM, Lantmäteriet ...) su predstavili svoje aktivnosti i predložili svoja iskustva u području razmjene podataka i upotrebi raznih servisa, a sve u cilju podrške katastarskim agencijama regiona u pripremi i realizaciji ključnih projekata.